

Gojgaeq Iq Dauhleix Hung

—Doeg 《Gojbeij Yihsoz》 Naemj Daengz



Moix baez gou fan bonj saw 《Gojbeij Yihsoz》 neix seiz, couh lumj byaij haeuj aen seiqgyaiq saek rim gij goj coengmingz caeuq geizmiuq haenx. Moix aen gojgaeq iq cungj lumj ndaundeiq gwnz mbwn set ok gij rongh maezvunz haenx.

Ndaw saw, miz aen gojgaeq ndeu, hawj gou yaenqsiengq daegbied laeg. Aen goj neix couh dwg 《Duzngwz Caeuq Duzyiuh》. Ndawde dwg gangj duz ngwz vaddaeuz he caeuq duz yiu maenh’ak he doxhoenx seiz, duzyiuh mbouj siujsim deng duzngwz geujheux lo. Couh youq mwh yungyiemi gaenjpip neix, boux vunzguhnaz simsoh ndeu gvaqdaeuq yaeng’ yaeng dawz duzngwz geij deuz hawj duzyiuh mbin bae, hoeng, aenvih gienh saeh neix duz ngwz haenx gig hozndat, de couh naemj baenzlawz bauqfug bouxguhnaz neix. Couh yienghneix, de couh guhcaeg dawz gij myaizdoeg de cuengq daengz ndaw raemxgwn bouxguhnaz bae.

Bouxguhnaz lij mbouj rox gienh saeh neix, mwh de yaek gwn gij raemx cuengq miz myaizdoeg haenx, duzyiuh ndaej gouq haenx mbin gvaqdaeuq lo, de vaiqvid dawz bingz raemx dik laemx bae, couh yienghneix, duzyiuh gouq ndaej diuzmingh bouxguhnaz lo.

Aen goj neix hawj gou rox: Raeuz aeu lai guh saehnde, aenvih vunznde, cungj miz fukbauq, couh lumj coenz vah bouxgeq naeuz nei: “Bingzseiz haengj bang vunz, gipseiz miz vunz bang.” Ndigah, moix baez raeuz raen bouxwnq bungz nanh seiz, aeu iet fwngz bae doxbang, caenh gij rengz raeuz bae bang gyoengqde, yienghneix, danghnaeuz raeuz swheij bungzdaengz gunnanz, cij miz vunz nyienh iet fwngz daeuj bang raeuz.

Ndaw bonj saw 《Gojbeij Yihsoz》 neix lij miz gojgaeq iq haujlai haujlai, moix aen gojgaeq iq cungj cang miz gij dauhleix laeglaeg bae. Gij dauhleix haenx couh lumj gij rumz unqswnh ndaw seizcin, yaeng-yaeng dwk ci deuz gij nyapnyuk gou; gyoengqde youh lumj boux lauxsae iq henzndang gou, naihsim dwk vix aen fuengyiengq hawj gou byaij baenaj; gyoengqde youh lumj baenz aen baenz aen daeng nei, ciuq rongh diuz roen majhung gou, hawj gou youq gwnz roen ciuhvunz mboujcaiq maezmuenh.

Gyonj daeuj gangj, 《Gojbeij Yihsoz》 dwg bonj saw ndei cig ndaej bae doeg ndeu, de hawj gou rox dauhleix gig lai gig lai, hix hawj gou bienq ndaej engqgya coengmingz caeuq roxsoq.

(Cinz Swjyinj raiz
Vangz Siujyinh hoiz)

Hagdangz Seiqgeiq

Hagdangz gou aen bi seiqgeiq cungjdwg gyaunde, dangqmaz, gij gingjsaek gak geiq gak mbouj doengz. Seizcin lumj boux lwgsau iq saetlaex nyumnyum, seizhah lumj bouxmbauq manz, seizcou cix lumj daxbuz unqswnh, seizdoeng youh lumj goenggeq najhaenq yiemzsuk haenx.

Baez daengz dahcin yamqdin mbaeufengfeng byaij haeuj ndaw hagdangz, daiq daeuj fukveh moq doenghgo hoizsingi yienghyienh vuenh saeksiengq. Go’ nywj laeglemx iet gyauej okdaeuq, geizheih dwk damqyawj seiqgyaiq baihgrog. Gyoengq gova ciengj gonq lau laeng dwk loh aen naj okdaeuq, baenz go baenz go faexsa lumj baenz baiz bouxbing itiyienh, angqcoux gyoengqdou daeujdaengz. Aen dingz “Hingzcihdingz” gaeuqgeq haenx dwg aendieg guh’ angq dou, baez roengz dangz, gyoengq nyezdoi h cungj haengj daeuj ndawdingz, mizmbangj yawjsaw, mizmbangj lwnhgoj, mizmbangj guhcaemz, ndaw hagdangz gizgiz sing angq sing riu gyuksasa.

Seizhah daeujdaengz, hagdangz nditndat biknyannan. Gwnz dieg deng ndit ciuq ndaej ndat lumj saeuqfeiz itiyienh, ciuq ndaej aennaj gyoengq doengzhag ndatndo’ ndo. Duzbid douh youq gwnz faex swenjngednged: “Dai ndat lo, dai ndat lo!” Ndat daengz go’ nya gova ngienx gyauej mbouj ndaej bae, gyoengqde cungj muengh doek ciengz fwn ndeu. Sawqmwh, gwnz mbwn fwjndaem laepbumbum, mbouj geij nanz, raemxfwn lumj miz vunz aeu bat dauj



raemx nei doeksasa. Fwnraq gvaq le, faex engq heu lo, va engq hoengz lo, cauhcangz deng swiq ndaej seuqsatsat.

Seizcou, gij mbawfaex henj youq yangmbwn mbinyagyag, go’ nywj hix vuenh geu buhenj daenjninz haenx. Seizneix, bak va reuqloenq, hoeng vagut dauqfanj hai hoenghfoedfoed, heiqrang biu rim seiqlengq, hawj gou nyaenx mbouj ndaej ngeix daengz coenz sei Suh Siz raiz haenx: “Mbawngaeux reuqroz mbouj gang liengi, vagut cenghai buenx naefiengz.” Vagut hoenx nae dingj cengx, caen ak lai lo!

Seizdoeng, ciengz siet ndeu hawj ndaw hagdangz bu caengz damj hausak ndeu, suenva caeuq gij faexhung bangxhenz cungj hoemq fan denz raeujrubrub, gyoengqde ninz ndaekngaeungaeu, ndaw hagdangz gizgiz naesiet hausaksak.

Aen hagdangz deng bouxhsien seizgan dajcang ndaej caen gyaunde, ha!

(Dangh Yijsenh raiz
Vangz Caijsen hoiz)

Hawromh Cin Iq

Gij ndit haetromh ngamq loh naj, gij ndit saekgim haenx couh unqswnh dwk saj daengz aen cin iq neix, gyaepsanq gij gyoetnit gyanghwnz haenx. Aen hawromh cin iq hix youq nditraeuj ciuq rongh seiz cugciemh dauqsingj gvaqdaeuq, ndaw haw ciemhciemh miz sing vunz hemqhuhu hwnjdaeuq, nauhyied dangqmaz.

Youq gwnzhaw, boux canghbuenq haenqrengz heuh gaicawx, senhconz gij huqgai swheij. Bouxcawx con dan neix dan de, genj gij huq swheij simhaengj haenx, gij sing gangj gyaq neix hwnj haenx roengz, comzgyonj baenz hot fwen lai sing, saek rim gij heiqlik vunz raeuz gvaq ndwenngoengz haenx.

“Gai bya lo, bya neix ngamq daj ndaw haij lauz hwnjdaeuq bw!” Dangqnaj danbya, vunz ndaetfoedfoed, bouxcawx boux caenx boux bae genj gij bya swheij yaek cawx haenx. Aenvih seng’ eiq hoengh lai, daeggo gai bya haenx hanh lae hanh roenx, hoeng fajnaj cix riu baenz dujva. “Cejdaih ha, dwg mbouj dwg hawj gou coengh mwngz gvat gyaepbya ne?” Ndae j bouxcawx ngaek gyauej le, cijraen fagcax ndaw fwngz daeggo gwnzlaj boekbing, “ca ca ca” yaep he couh gvat ndei gyaepbya, dinfwngz seuqset, liuxcih byotbyat cingleix ndei gij dungxsaej duzbya, vut hwnj aen caenghdienh bae, yawj gij gyaqcienz gwnzde da ndeu, dawz bya cang haeuj aen daehsuli u bae, ndenq hawj bouxcawx. Daeggo neix doq cie p ngaenz bouxcawx neix oet haeuj ndaw ngaenzbau bae youh doq yiedcingz dwk bae dongx bouxhek wnq, cam gyoengqde yaek aeu gijmaz, doengzseiz naj riunyumnyum, unqswnh dangqmaz.

Youq doiqnaj caix daeggo gailbya neix, dwg aen dan gai gienghduh boux daxheiz he, gij heiqrang hei qndat gienghduh gyuempluemz youq ndaw rumz, ciuyinx gij vunz baebae dauqdaup haenx gvaqdaeuq, youq dangqnaj aen dan iq bouxcawx gaenq baiz baenz hangz vunz raezrangrang. Daxgoeng daxbuz maij gwn gij gienghduh feihdauh gagguh haenx; daxau baujanh ngamq roengzban haenx



ngah gwn gij giengh duhndaem ndaej bouj naengzliengh haenx; gyoengq lwgnyez yaek bae hagdangz haenx youh gyaenz gwn gij gienghduh cuengq makcaujhoengz vanyupyup haenx…… Aenn dang dax-heiz gai gienghduh nyaengqfoedfoed haenx youq ndaw hei qndat yaep raen yaep mong, de hai aen gihgienghduh fwngz bienz dangqmaz, dawz baez cenj baez cenj gienghduh homswdswd haenx ndenq hawj bouxcawx. Aenvih gwn ndaej habhoz, gwnz naj gyoengq bouxcawx angq-va uvau, miz di menhmenh cimz gij rangdiemz gienghduh, miz di dawz gienghduh dauqbae daj- suenq youq gwnz loh cij gwn.

Lijmiz danbingj cien, danlwgmak, danbyaek…… Gij aendan gak cungj gak yiengh haenx, doengzcae z comz baenz aen hawromh nauhyied youh nyaengq-nyatnyat neix. Gyoengq cawjdan bakmbaeu dongx bouxcawx, gwnz naj riunyumnyum, yienh’ ok gyoengqde dwg vunz simsoh. Gij ndit gyanghaet saj youq gwnz ndang gyoengqde, gyoengqvunz gaenxguh neix caemhdoi h comz baenz fuk veh cei q gyaunde, he.

Fuk veh neix, dwg veh gij saedcej ngoenznaengz vunz dangdieg cin iq, hix yienh’ ok gij cingsaenz fungmauh gaenxguh simsoh, sim’ angq haenq- rengz gyoengqde. Youq baihlaj nditndat ciuq rongh haenx, fuk veh neix daegbied sengdoengh, saek rim rengzhoengh caeuq maqmuengh.

(Ciz Nihgoj raiz
Lij Yungzcangh hoiz)